



[Asturiano] Nun bebas Coca-Cola

DARREU :: 31/01/2014

Coca Cola, iconu del imperialismu, abandona la so producción n'Asturies anque la factoría tien beneficios.

Ayeri 22 de xineru Coca Cola Iberian Partners entamó les negociaciones pa "reestructurar" la so producción nel Estáu Español, lo que conlleva el despíu d'unos 750 trabayadores con cientos de recolocaciones y el zarru de cuatro plantes, Cualloto, Alicante, Mallorca y Fuenlabrada. En Cualloto trabayen anguaño 144 persones, siendo una de les factories más importantes de la zona cienu d'Asturies. A falta de que les resoluciones definitives frutu de les negociaciones (o chantaxes de la empresa) salgan a la lluz too paez indicar que'l futuru de la planta asturiana nun ye otru que'l peslle definitivu.

Dende Darréu, la Moceda d'Izquierda Soberanista yá alertamos hai selmanes d'esta noticia y agora paez ser que nun hai torna posible, valorando tamién les práutiques de la empresa nel nuesu país y otre zones del mundu, más asemeyaes a les d'una banda de criminales que lo se supón a una empresa. Dende Darréu llamamos al Pueblu Trabayador Asturianu, sobremanera a la moceda, a facer boicot activu a esta empresa y nun consumir los sos productos yá qu'entendemos que si pa Coca Cola nun cuenta Cualloto y Asturies pal nuesu pueblu tampocu tien de cuntar Coca Cola.

Coca Cola, iconu del imperialismu, abandona la so producción n'Asturies anque la factoría tien beneficios. Polo tanto ye xustu qu'Asturies respunda d'una forma firme y coherente a esta maniobra de la empresa. Amás entendemos que tenemos d'entamar a cambiar nós mesmos pa camudar la realidá social. Poro llamamos a la xente a nun consumir productos d'esta marca comercial qu'asesina a sindicalistes en terceros países, contamina espacios naturales que son de la humanidá y abandona a la so suerte a cientos de trabayadores.

POR ASTURIES, DIGNIDÁ Y CONCIENCIA ¡NUN BEBAS COCA COLA!

#BoicotaCocaCola #NunBebasCocaCola

https://www.lahaine.org/mm_ss_est_esp.php/asturiano-nun-bebas-coca-cola